

# #Tiakina Tō Tātou Whakapapa



## Tiaki i a koe anō

He wā ahotea tēnei mā tātou katoa, nō reira **me tika pū tō tātou tiaki oranga whānau**, oranga tinana, oranga hinengaro, oranga wairua anō hoki.

- Kia hauora te kai.
- Kia au te moe.
- Kia nui te inu wai māori.
- He whai oranga anō i te hauhau me te matū ora o Tamanui-te-Rā.
- Me hīkoikoi kia tata ki te kāinga, (engari me mamao tonu koe i te hunga kāore i te noho ki tō whare).



## Me korikori

**He maha ngā tūmomo ngohe whakangungu utukore i te ipurangi e** taea e koe te whai ki roto, ki wahotata rānei i tō whare.

**Mēnā rā he hoa, he whanaunga rānei tōu** kua tohua hei kaiwhakangungu matawhaiaro , māna pea e whakarite tētahi mahere whakangungu mōu.

**Honohono ki a Papatūānuku** — me puta ki te taiao, ki tō māra, ki tō takiwā rānei, me hīkoi, me noho noa ki raro i te rākau, me pāinaina rānei i ngā hihi o Tamanuiterā.



## Whakaōti Mahi

**He wā tēnei** hei whakaoti mahi, kāore pea i whai wā ki te whakaoti.

- Whakarite māra kai.
- Rangahau whakapapa.
- Mahi rongoā.
- Ako kaupapa hou.
- Ako taonga pūoro.
- He haratau i ōu karakia, waiata, he whakapakari rānei i tō reo.

## Hauora Tangata

### Ngā tohu tū tangatanga



## Kaua e hinga totoa

Tērā e raru ai te hinengaro me te wairua i te roa o te **noho mohoao**.

**Me whakatiki ngā rongo kōrero mai** — me aro ki ngā pakī huareka me ngā mahi āwhina, tūhonohono tangata.

## Inā ka puta ki waho i tō whare

**Ki te puta atu koe ki ngā hoko maha**, me āta whakarite. Whakarārangihia ngā mea hei hoko kia iti noa ngā haerenga me ngā pāngā ki te tangata.

**Me mamao koe i te tangata**, me te hunga maremare, matihe rānei.

**Me patuero ngā papa katoa** ka pāngā e koe, tae atu ki te wīra hautū, te wāreti, te waea, ngā kī o te motokā. Me auau tūturu te horoi i ōu ringa.



## Kia āhua reka, kaua e māharahara

**Hikoi, oma, eke pahikara** (me tū tīrara rua mita i te tangata).

**Kia mauritau**, whāia ngā āhuatanga whakakoakoa i a koe.

**Me tūhono** — me toro atu mā te waea, mā te pātuhi, mā te pae pāpāho pāpori hoki.